

Předśłowo.

Kóždy rady přijima złoto a dejmanty. Ale k njesměrnje drohotnišim pokładam wjedže puć, kotryž nas wučí złota knižka wo „Kročenu za Khrystusom“. To je wězo kruty, tola jeničcy prawy a wěsty puć do njebjes. Tam su nam zakhowane bohatstwa a pokłady, kotrychž zerzawizna a mole nježeru ani paduši njepokradnu.

Tohodla su tule knižku, kotraž je po swjatym pismje najwubjerniša a najwužitniša, hižom dawno wjele króc wučeni z laćonskeje řeče do řečow wšěch křesćanskich narodow přeloželi. Tež serbscy duchowni su to činili. Přeni króc ju přeloži a wuda 1823 wulcy zaslužbny pater Tecelin Mět, z cisterskeho rjadu, narodženy w Kukowje l. 1759. Po nim ju tři ewangelscy duchowni khětro za sobu zeserbšćichu, l. 1845 Jurij Ernst Wanak, bórzy na to Handrij Penck a Jan Bartko. Tuž je naš přeložk pjaty. Bóh daj, zo by so mjez serbskim ludom rozšerił a njesmjertnym